

重脩浙江通志稿

第一冊  
敘例

地

240

421

51-114

部

## 謄錄《重修浙江通志稿》說明

一、《浙江通志》纂修于雍正乾隆年間，沿用至今，已有二百餘年。民國初年沈曾植有《續通志》之作，而其事未成。至一九四三年，成立浙江省通志館，由余紹宋長館，至四九年停辦。纂成《重修浙江通志稿》若干冊。這部稿子，雖然沒有完成，但內容豐富，不惟是將來撰纂省志時有用，而且是目前各方面所需求的參考資料。我們把它印出來，供大家使用。但是志稿撰寫于解放之前，立場和觀點，不免有錯誤之處，蓋歷史使然，現一如其舊，覽者鑒之。

二、緣志稿未底于成，所以排比和分類，沒有完全按照《通志編纂大綱》的紀、考、略、傳、譜五類作統轄，而于其內容切近的輯為地理、民族、物產等十數類，訂成一百廿五冊。間因厚薄分併，實際冊數則如總目所示。

三、因為《志稿》尚未定稿，所以各類之間，有內容覆重而未盡同者，雖然覆重，我們也照原稿謄錄，底片褚隻字均著者辛勞。又有僅列其目而未有內容者，也有所撰內容而未能盡符其目者，我們在

## 重修浙江通志稿

謄錄過程中，儘可能使其類別就序。其間章節錯亂的，絕大多數已經依次釐定，其中有個別篇章因內容關係未便更動的，則仍按原稿謄錄，須前后翻閱始得連貫。至于闕者之撰補，則有待于志館之恢復。我們此次謄錄是在忠實的反映現有史料基础上做了些整理排比工作，使覽者便于閱讀和取材。至如明見其抵牾之處，則除算式與數表之外，均已根據引用原書一一補正。舉例言之，如雨我公田，兩誤兩。其灌其樹，樹誤測。皇矣之詩，矣誤分。道之以政，齊之以刑，民免而無耻，免誤勉。緇衣深衣，深誤探。坐擁皋比，比誤此。隃廩滿室，隃誤喻。如此等々，皆顯而易見之筆誤。無如志稿浩瀚，又多蕪雜，疏漏舛誤，在所難免，請讀者予以指正。

浙江圖書館

一九八三年六月

《重修浙江通志稿》總目

冊次	名稱	實際裝訂冊數
第一冊	叙例	一冊
二	大事記	一冊
三	疆域	合訂一冊
四	疆域	
五	地理	一冊
六	地理	一冊
七	地理	一冊
八	地理	一冊
九	地理	一冊
十	地理	合訂一冊
十一	地理	
十二	民族	一冊
<p>重修浙江通志稿 總目</p>		
第十三冊	民族	一冊
十四	民族	一冊
十五	民族	合訂一冊
十六	民族	
十七	民族	一冊
十八	民族	一冊
十九	民族	一冊
二十	民族	一冊
廿一	物產	合訂一冊
廿二	物產	
廿三	物產	一冊
廿四	物產	一冊
廿五	物產	一冊
廿六	物產(綜合)	一冊
廿七	建置	合訂一冊
廿八	建置	



第六十一冊

六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六

著述  
藝術園棋  
黨會  
議會  
司法  
行政  
行政  
行政  
行政  
行政  
行政  
行政  
行政  
行政  
行政  
行政

一冊  
一冊  
合訂一冊  
合訂一冊  
一冊  
一冊  
一冊  
合訂一冊  
一冊  
合訂一冊

第七十七冊

七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二

行政  
行政  
財務  
財務  
財務  
財務  
鹽務  
鹽務  
國稅  
國稅  
國稅  
省公債  
計政  
計政  
糧政

合訂一冊

一冊  
一冊  
一冊  
一冊  
一冊  
一冊  
一冊  
一冊  
一冊  
一冊  
一冊  
一冊  
一冊  
一冊  
一冊  
合訂一冊

重修浙江通志稿

總目



第百廿五册

文徵

一册

重修浙江通志稿

總目

五

重脩浙江通志稿

第一冊 敘例

前浙江通志館稿  
浙江圖書館騰錄

內部資料

浙江省通志稿

大事記叙例

清代同光以前，纂修各省通志，類皆以綸綍為冠冕，未見有大事記之作。惟宣統三年所修山東通志，首列通紀九卷，為罕見之例。近出閩志，踵武齊風，而其例言則歸始作之功於元張鉉之金陵志。考用鼎之書，雖標題通紀，實詳一地之沿革，既不編年紀事，又贅之以論贊，紀已不類，遑言乎通。明謝肇淛撰滇畧十卷，其第七卷事畧，編年紀滇省之事，始於周之成王，終於明之萬曆，二千七百餘年之史實，萃於一篇。必欲託始舊作，則謝畧庶足以當之。若論體制之完密，要當以魯志為宗。司馬遷創紀傳之體，取法乎春秋經傳，紀用編年，記帝王之大政，傳以列事，錄人事之行狀。紀為綱領，傳為細目，以綱統目，有條不紊。觀其綱，要領可得。數其目，碎瑣悉見。載筆之體，於斯為備。班史以降，咸遵遺法，豈是偶然。方志正史，性質雖異，而撰述之方，同歸一揆。凡輿地，建置，人物，風土，政教，藝文，門類綦繁，猶正史之列傳，列而無統，不幾乎百物居肆，令人目眩，羣龍無首，亢而有悔乎。志既稱通，其不可不首列大事記也，明矣。

重修浙江通志稿

一 叙例

通紀通志，義嫌渾同，大名小名，宜有分辨。大事連文，屢見於經傳，其原甚古，祀戎禘祫為大，載於春秋傳，土木之功，征伐之舉為大，著於禮月令，斯記定名，以是為據，義當無闕。繼今之作，其或有取於斯乎。

尚書載言，春秋書事，言重精一，時或可畧，事貴有序，歲月難省，故春秋繫日月而為次，列時歲以相續，遷史帝紀，竊取其義，以年提綱，茲又取法乎紀，故體用編年。干支相次，雖一事數篇，而始終可見。綱舉目張，而洪纖悉具，為體之善，當無逾於此。夏商之世，歲月難稽，間有遺漏，是為例外。

時之往來，若水之流，無迹可斷，然記事之作，不可無終始，爰定起訖，以為纂錄準則。稽古典墳，浙之史實，始於大禹之臨會稽，史紀其事，有年可考，地留其骨，有蹟可尋，禹蟲之說，荒唐之言，斯記首記大禹，非謂以古為尚，實乃有徵可信。若夫虞舜姚姓，故稱餘姚，避丹虞上，田於歷山，漁於雷澤，皆在姚境，斯則正史無文，考証莫由，據虛立言，類同山經，既誣古人，又欺後世，是所不取。清社為屋，民國肇興，三十餘年以來，正當世變激劇之時，創始之事，



層出不窮，兵戎迭起，面目全非，此而不記，何以傳後。倭寇入侵，燒殺焚掠，地方糜亂，大劫空前，八年苦戰，卒驅寇賊，還其三島，大亂教平，河山重光，國運已轉，省與有榮，以此為終，庶符天命。省各有志，事有攸歸，鄰棗入庭，終非己有，葛藤迤谷，攀附可耻，我疆我理，庶乎允協。秦置會稽，地連吳越，廣漠無垠，及於閩北，會稽之治在吳。至後漢順帝，始分會稽為吳郡，會稽統浙東，吳統浙西。晉世，今之建德壽昌並屬於吳。降及隋代，餘杭立郡，浙地之屬吳者，祇有烏程長城。唐承隋統，江南之地，分為浙東西觀察使理所。潤、常、杭、蘇、湖、睦、六州屬浙西。越、婺、衢、處、溫、台、明、七州屬浙東，而嘉興海鹽仍屬蘇州。趙宋之世，以江南為兩浙路，領府二，曰平江、曰鎮江，州十二，曰杭、越、湖、婺、明、常、溫、台、處、衢、嚴、秀。南渡以後，復以臨安平江鎮江嘉興四府，安吉常嚴二州，江陰一軍，為西路。紹慶瑞婺台衢處為東路。而華亭又屬嘉興。元主中國，設江浙等處行中書省，杭州湖州嘉興平江常州建德六路屬江南浙西道，與今日之浙西大不侔。朱明崛起，洪武九年，始設浙江布政使司，領府十一，西至開化，南至平陽，北至太

### 重修浙江通志稿

一 叙例

二

湖，東至海，兩浙今日之局面，至是始定。五百餘年以來，未有變革。今日纂錄數千年來浙江之事，自當以今之領域為準，庶免攀附之譏，竊棗之誚。若秦伯逃吳，項梁揭竿之類，無與於浙，在彼可書，在我宜畧。

自上古至於現代，四千餘年之歷史，分卷編錄，勢不容已。在今日之通例，斷代史之分期，以上古至戰國為一期，秦漢為一期，魏晉南北朝為一期，隋唐五代為一期，宋遼金元為一期，明清為一期，民國為一期。古代事簡，採摭無多，為求勻其卷帙，定自上古至南北朝為一卷，餘從通例，起訖計卷，數可盈五。

邦國榮悴，繫乎政之良窳。德化流行，速於置郵傳命，逆天拂情，敗亡不俟終日，大政措施，載筆期乎無漏。志在侵畧，干戈妄動，曰野荒蕪，民不聊生，影響之大，無與倫比，爰紀其實，以戒貪殘。食為民天，農為食之所從出，違時暴斂，誅求無厭，財聚於上，民窮於下，老弱轉乎溝壑，壯者鋌而走險，此曰誅殘，彼曰戡亂，蕩城夷邑，良莠靡遺，即使攻燒荏苒，寸草不留，而地方元氣，已因之而大傷矣。撫循數世，瘡痍難復，事之可痛，莫此為甚，著其本末，以警暴虐。

至於水旱疾疫，天災地變，國之大戚，在所必書。他如甘露靈芝，龍降鳳翔，世俗所惑，在所當棄。事如星羅，條舉難盡，筆削之旨，粗述於斯。

魯史記事，言簡而事該，詞美不勝質，今茲纂輯，一以是為準。參稽衆史，提要鉤元，舉其大綱。本志考畧所述，雖稱極博，而統理之道，無所偏倚。魯史辭寓褒貶，遷書整齊故事。夫權衡在握，此心須與天地同流，察善惡，如辨黑白，自非聖人，曷足以語此。遷書自稱整齊故事，意在斯乎。今之所撰，意無所褒，言無所諱，事求其實，辭避其虛，美不為之溢，醜不為之掩，使若俯水鑑形，妍媸一一自見，如是而已。自來操觚之士，多喜名山之業，傳信傳疑，載籍浸多，至於汗牛。一事數見，繁簡各異，虛實雜陳。欲博考衆錄，定著一篇，則剽襲雷同，首須避忌。今定章程，引據之書，若字有更易，句有重擬者，則附註曰據某某書修。其有不許妄贊一辭者，則注曰據某書。昔東萊呂氏為大事記，已創斯例，今從之。

記事之作，大都得之傳聞，非多方考證，然否難定，古史如此，近世更甚。古書散佚，懼其無徵，新著猥濫，尋檢難週，博求其故，

### 重修浙江通志稿

一 叙例

三

決於一言，其事誠難。茲惟有盡心力而為之。整齊排比，冀少舛誤。所不知者闕之。

### 疆域考叙例

一 一省之志凡山川物產政治風俗等，悉宜詳載然必先有明顯之圖標示大概然後可以一覽了然舊志雖亦載有省圖然以南為上北為下於近日已不適用且其各縣位置與距離遠近亦均未能正確此則測繪學未精之所致也茲編采取最新全省輿圖一幅列之篇首

一 省之制肇始於元至明太祖洪武十四年而浙省之疆域始確定在明以前與蘇皖贛閩各省錯綜離合代有不同幾經改革而始成為今日之境界此為修志者所必須說明茲編詳述其變遷之迹并附簡圖十幅以資省覽

一 戰守之術雖古今殊異然設險為固則不易之理江海水陸沿邊要隘古之天險至今或尚有可用者舊志惟海防一篇而陸路則闕如且昔之海防形勢在現時亦有變更茲編斟酌古今別列一目以示重要

一 吾國行省數逾三十浙省為文物富庶之邦面積幅員於各省中位列第幾

應有說明舊志所載但有廣袤周圍而無面積似欠明確茲編擬採取最近之測算以便與各省作比較至於舊志所載各縣之幅員則從略以茲縣志一州郡之制肇自上古而其廢已久十一府今亦不存然名稱尚在自秦至今曆二千年由州而郡而府其間沿革分合至為繁雜舊志臚列各說記載繁詳然分府分縣未能綜合茲編粗舉大略列為八表某時代州郡所屬一覽瞭然

一秦代置縣不過十餘推廣至今縣市共七百有七攷其推廣之跡大都由平原而山地由沿海而內陸由東北而西南或因交通之便或因地勢之近其間又有旋設旋廢廢而又設或更變其名者舊志縣自為紀亦頗詳盡茲編分列二表一縱一橫縱者以明其分合之跡橫者以著其變遷之原

一舊志無經緯度一目惟云東至西南至北為若干里或自某縣某方至省會若干里未盡正確茲編特列一節於經度以首都天文台中綫為主而以英國格林威治之經綫附之冀使全省東西南北之距離以及各縣縣治之位置與其相互間之距離均可推測而各地之時間氣候亦易以明瞭

### 重修浙江通志稿

一叙例

四

#### 地理攷叙例

一全省地形山地多于平原而平原之中有高有低山峯之中亦有高有低與氣候交通物產等均有密切之關係舊志無此一目茲編將全省地形自陸地至海洋距海面高低度數製圖以資表明每縣之最高峯亦加注明以資比較

一山川為地理重要部份山有總幹有支幹有分支水有幹流有支流有細流一則由一本而散為萬歧則由異源而歸於同委譬諸人體之骨骼血脈不容分割也舊志於此縣自為志而每縣之中又分條列舉其著名之某山某水無支幹可見無脈絡可尋此在縣志已不適宜矧乃省志茲編力矯此失起訖原委支幹聯絡分明雖不免詞費然全省山川庶可得其大概

一河流變遷自古甚多然僅在一縣者由縣志攷之至於錢唐江浦陽江為本省有名河流變遷所及牽連數縣茲編各述其今昔流向之不同及其改道之原因以資攷證

一運河為人工所成與水利交通關係密切其所滙合之水分洩之處與各川流又均有關係舊志亦散見於各縣山川志中未能聯絡茲編於水系之末詳為記載

一海岸綫長短與文明發達有關係而軍事交通物產亦資其利近世萬國往來海岸尤見重要至於島嶼所及更關係於領土及海權舊志為閉關時代所修除有關海防者外其餘僅零星散見於各縣山川志而未能注重茲編分列海岸及島嶼二目詳述情形以示重要三門象山兩港并附以形勢圖一潮汐與交通有關係其時間遲早漲落高低各地不同而浙江潮尤為有名其害足以更變地形毀損民物舊志畧而不書茲編將各地遲早高低情形列成一表而浙江潮之成因亦附及焉

一氣候與人生物產關係至密本省雖大率為海洋性氣候一部為亞熱帶氣候而亦各地不同茲編製圖列表以資比較

一地質為地理根本地形構造與其變遷以及礦質之蘊藏土壤之種類胥於此辨之茲編特聘專家實地考察製圖列表以補舊志之缺

一本省地大物博採輯不易資料所集多恃各府縣志而時移事易舛訛必多擬假以時日逐漸修正以資完善

重修浙江通志稿

一叙例

五

山水叙例

我國山水之志肇自禹貢導山導水雖甚簡畧而首尾源委悉具後世水經及三條兩戒之說皆宗之蓋體例應如是也省府縣志雖限於一隅然有山必有脈有水必有系豈能外此且省志稱通通者即此通彼之謂山山而裂之水水而斷之一縣之中且不能自通何論一省類書而已矣館長余先生修志意見謂宜將舊志山川篇全部刪去別撰總記以明其形勢脈絡支幹與夫分合回互曲直向背之致其說甚韙顧叙水易叙山難水之分析天然者也山之分別人為者也水之面積僅屬一綫窮源竟委均可按圖而索山則旁薄千百里峯峯相連嶺嶺相接糾互錯綜本無界限何從分割最精確者莫如以地質為準同一質即同一脈脈者固隱而在下者也惟本省地質攷察未徧苦無專書而本編別有地質一章更虞複雜為敘述便利計仍用舊說以水為分兩山之間必有水兩水之間必有山其脊即謂之分水嶺嶺之所分即系之所在水隨山勢以屈曲山即依水流為斷續支幹分佈庶易瞭然不稱系而仍稱脈者沿習用之說也難者曰禹貢導山岐逾河而為壺口雷首岷山之陽至於衡山則越江矣必謂山不踰水夫豈可通不知此有二說其一山本無天然界畫其界畫純係人為既以水系流域為準又從而踰之自亂其例治絲益棼矣其二岷岐

之山本與壺口雷首連陝西之地本為山海自夏禹鑿龍門關太華河出其中而其山始分岷山本與衡山連川蜀之地古亦為內海自夏禹鑿巴東之峽放其水東注而山始斷是皆人力為之也禹貢導山逾河逾江仍沿疏鑿以前之舊耳夫異源同委順山勢而趨者水道之正也同源異委截山系而流者水道之變也江之有沱漢之有潛汶水分南北以濟運濰水注靈渠而為湘豈其天然形勢亦水道之變而已本編於此等處亦祇能曰逾曰越義本禹貢非漫然為之以自亂其例也自古至今山之變動少水之變遷多本省錢唐江下流在上古為長江下流之南江今則與長江分離千里矣曹娥江浦陽江中陽會稽山脉其下流乃分合無定又如錢江出口本在龕赭之間今則水勢北趨諸山移屬江南其間淤為平陸矣凡此變遷本編皆有注明或別為攷證由今以知古亦通字之義也民國初年一度纂修浙江通志未成而輟其時主編山脉者為甯波范柳堂先生編水系者為秀水陶拙存先生范先生所編或謂太繁瑣似遊記然其書未見不知體例如何陶先生成錢唐江一篇自謂仿水經注格式今取用之理應附志於此不沒其績

凡例

一 叙山水最要者為輿圖各縣志所繪多不正確茲以民國四年青田徐則

### 重修浙江通志稿

一 叙例

六

恂所修訂之浙江全省輿圖及水陸道里記為據雖其間簡略之縣邑亦不少但既經實測大致要不甚遠

一 水流由源而委由分而合叙述較易山脉則子支萬岐糾互紛錯叙述較

一 難茲於各山脉中先叙明其正幹再及其分支及支中之支庶易明瞭

一 舊志各山距縣治遠近多以行路計算故道里位置方向極不正確茲悉

一 以直徑為主仍載舊志之道里方向以資攷訂

一 山之高度足以表顯地形極為重要舊志所載高若干丈若干里多係懸

一 擬極難徵信茲以陸軍測量地圖所測為主庶較正確

一 叙述山脉僅曰某山某嶺殊感枯燥茲於各縣志中擇其於名義史跡或

一 風景等有關者酌采入夾注以增興趣且以補名勝各篇之不足惟蕪沅

一 殆不能免

一 大水由溪澗匯集而成何溪最遠為其正源殊難攷證茲所叙述多以水

一 陸道里記為據間亦參酌縣志有所增改

一 水流應以本省為範圍惟浙江上源之徽港雖在皖省亦詳加叙述俾

一 此流域大体完備其它與各省關連者則從畧

一 河流首尾均在一縣者不再叙志以茲縣志

一 湖泊與河流聯絡者則牽連叙及之其它則否。

田地攷序例

立國之本在農而農事非田地無所附麗浙江負山面海地勢傾斜以幅員論較諸其他各省區特為褊隘而夙號為富庶者因人口密度較稠錢江北岸又佔有江浙平原之一角遂為全國負擔賦稅最重之區究竟水田若干旱地若干可墾植利用之山野若干前志除田賦外一無記載府縣志乘亦復略而不書當井田之世吾浙尚近南荒經界阡陌迄今已無陳蹟中古以降農家實際狀況農戶農丁與一丁佔地之多寡田地價格之低昂農林產物之增減更屬無從攷見書簡之缺莫此為甚竊維利用厚生古有明訓而民生主義尤為當世之所注意食毛踐土田地實一切生活之基礎不可不詳為紀述也惟創立門類與其他各考略難免複見茲按編纂大綱及章節目錄顧名思義斟酌取舍擬訂序例如左。

一 田地山蕩因其性質及沿革之不同各有細目前志所載無慮七八十種大抵分別科則為徵收賦稅之依据與農作之實施無甚關係茲擬畧其細目舉其大綱列第一章。

重修浙江通志稿

一 叙例

七

二 田地攷以田為主要田不可以無水故以蕩附焉池蕩灌溉固宜詳見於水利而面積數量則不可以不知也擬取舊志所載及最近整理之數目約畧載入以資比較並闡明實際狀況與賦稅原額之歧異。

三 山與地性質相同墾種與不墾種之異耳故併為一節繼田蕩之後。

四 沿江沿海漲落無常河東河西歲有增損此起彼落猶如楚得楚弓似無關於宏旨然本省山水傾急一雨之後急湍洪流往往挾泥沙而俱下用是錢塘江甌江等口岸沙與年增始則犁沙為地繼則引水為田面積既多利用斯廣故特為記載而上流江岸之漲落附焉。

五 本省西南各屬山巒重疊曠土尚多雖沙石之區不宜樹藝而長林豐草差可利用者亦復不少方今人滿為患謀生實難非地盡其利不足以阜民裕國旁稽側證列舉荒區亦將來開闢之資也。

六 前志食貨門祇載戶口總數而不書業農之戶若干實際工作之農丁若干至農戶之分類如自耕農半自耕農佃農僱農等更屬無從稽攷茲擬博稽約取分別紀述列第二章。

七 有田地有農丁而後有農事其始也辨別土宜畧分等級此農事之關於地利者也其繼也按四時節候而為耕耘播穫之次第此農事之關於天時者

也其終也平秩西成計其數量而較其豐歉此農事之關於人力者也均不可以不叙至氣候災害採製改良互見其他部門茲不復出列第三章

八土地有賦稅而地權生焉有買賣典當租賃而地權異焉本省田業之名曰清田曰大業曰小業曰田底曰田面曰客田曰白作隨地異名而田主佃戶之分大同小異不有紀述千百年後何以知其沿革乎茲以地權及租賃列第四章

九國有稅則民有租科則不同租額乃異地權不同租額亦異度量衡器不同租額更異縣自為政鄉自為政因畸輕過重而農作之勤惰異焉農產之豐縮異焉前志蓋未有言及租額者茲擬以此續地權之後

十訓政時期為維護農民利益發展農作產量計曾有二五減租之政令業主亦或有以災歉而自動減額者同時併設有佃業仲裁機關種種變更農民所受之影響最為複雜茲續載於租額之後至章則組織當於行政畧之地政章詳之

十一井田廢而兼并行買賣典當皆兼井方法之一也積習相沿歷千數百年而未嘗改革影響於田地大矣茲就可稽考部分述其概況列第五章

十二田地價值之漲落直接象徵民生經濟之豐嗇間接證明農產之多寡與社會之安危所關尤巨故續序於地業移轉之後

重修浙江通志稿

一叙例

八

三次子餘夫助人田作計年論月例獲報酬僱農代價之高低亦農村狀況之一幕也不可以瑣碎而不書茲記其畧

而浙省當山海之會為東南重地兵戎蹂躪史不絕書而近百年中洪楊之戰禍倭寇之流竄所至殘破尤為心悸茲從詳今畧古之例述其大概列第六章

十五幣制關係財政然通貨膨脹則軍事為之也法幣價格低落則田地典當取贖之糾紛百出矣故叙其梗概為本章殿焉

物產考叙例

一志書采錄物產標準最難若將飛潛動植礦物及工業品記之無遺則前代之群芳譜本草綱目與近代之博物大詞典幾已盡有何方志之複述為茲編擇其於人生有利害之關係與民生日用之所取資者錄之凡不常見及無甚關係之物則從畧其地域以本省為範圍尤不待言

二舊志所志物產分府叙述一物數見殊嫌重複亦非通志所宜至普通之物每為普遍產出不限於一鄉一縣若欲舉其產地單舉則憂掛漏盡記

則嫌夥頤如續志逐物書其產地每物之下常綴數十縣名不太煩瑣乎若舊志於習見之物如蘆但記見於名勝志之苕溪于菽但錄見于西溪梵隱志所稱之西谿于蔥錄咸瀉臨安志之蔥出板橋一語于麥錄咸瀉臨安志有大麥小麥一語似此外即無有者此類例不勝枚舉是一地不能代表反滋誤會也茲編凡普通之物一概不列產地以省篇幅

三 舊志於所志之物不分輕重凡遇前人載籍有故實可摘者連篇綴錄無故實可據者雖極重要之物亦一二語了之後詳茲編所述斟酌輕重分普通特產而別其詳畧

四 舊志所志各物動植礦物及工業品相糝雜眉目不清茲編悉按科學分類以類相從取便檢閱計分動物植物礦物工業品特產五章至所謂特產者以其屬於本省較特出之物如某地特有之物及有餘數可供應他處需求之物為便於注意而列之特產中非即謂他省所無之物也

五 尋常飲食之品及製造之物散在各縣各鄉種類繁多如學舊志之載乾菜草鞋苕帚諸類之例而一一志之則在此物質文明日新月異時代物產一篇勢非汗牛不止矣茲凡遇瑣碎之物無關宏旨者雖資利用亦從刪節以省篇幅

重修浙江通志稿

一叙例

九

六 舊志看似語語有來歷實際反不負責任以好披拾前人載籍之語不問當前之情狀也有明知古有今無而錄之者如鶴下錄明一統志鶴湖在嘉善縣其中多蘆葦或以舊曾產鶴故云云是虛列其名也有不訪存亡而錄之者如重臺蓮錄平泉草木記全載李德裕重臺芙蓉賦全文琥珀紅錄宋葉適詩五花蓮錄宋孝宗同太上皇之語所引之詞與作者時代相距之遠如是其間豈無變遷乃作志時于諸物之情狀一字不提疑有疑無令人莫測茲編但志現存之物其有載籍班班可考而現在已絕迹之物作為附記不復列入正文如臨海異物志所載候園子土翁子等是也

七 舊志于物之名目多混淆如同蝙蝠分列二目一稱蝙蝠一稱仙鼠又蔥或名葱或名麥蔥名既不同目亦兩見幾使人疑為二物茲編凡屬一物不復分別但附異名

八 舊志所志有僅屬多數物之總名不必列入物產之目者如可以為薪炭之物所在皆是舊志有薪炭兩目並無重要紀錄但摘縣志一二語某處饒薪某處饒炭殊無意義又如志杭州府物產目有菜一項錄武林紀事云杭城東園人家四時種菜販賣遠至臨平長安夫菜為蔬菜總名似此亦記等不記矣茲編分叙實物以便稽攷不欲虛引總名但眩眼目